

眞一善人唯德是輔廣演慈悲拔亡濟苦養浩通靈眞祥反哺
積慶無涯福星臨注俗契恩深投胎父母化成身體補修根祖
苦行實心包懷今古接眾指迷百靈加護內鍊眞空普施甘露
混世光陰瑩然而住萬變定基俱無作做地獄天堂從人所慕
解脫羈韁誓無回顧日月流光每遭眞遇養火投玄祥光敷布
透入晴空展開雲路法界周旋萬神攢聚跳出輪迴滿空歌舞
洞煥太空我之門戶玉簿書名一聞千悟上達諸天下開冥府
法道通眞皇天后土金液還丹洗心堅固擬學神仙莫存能所
自遇眞師專憑養素皓月知音清風伴侶朗照無邊欣逢正主
四大五常回光返補了了無爲盡朝元去

道藏輯要

雲光集

全

胃集九
川文川

沁園春

予自七歲遇東華帝君於空中警喚不令昏昧至大定戊
子復遇重陽師父因作此詞用紀其實云

元稟仙胎隱七歲玄光混太陽感東華眞跡飄空垂顧悟人間
世夢復遇重陽密叩玄關潛施高論皓月清風煉一陽神丹結
繼璇璣幹運羽化清陽欣欣舞拜純陽又虛妙天師同正陽命
海蟾引進旌陽元妙古任安尹喜關令丹陽大道橫施驅雲天
下絕蕩寃魔顯玉陽諸仙會講無生天理空外眞陽

滿庭芳

住鐵查山雲光洞作

俯視滄溟屏山掩映萬重松檜森然金波滾滾雲鎖翠峯巔畫
對清光浩渺更闌顯月印新鮮圓明聚紅霞影裏捧出洞中仙
元初真面目如今了了高臥雲軒爲丹爐無漏頤養三千聖祖
垂光下降諸天舉嬰子朝元功成也金書紫詔常在玉皇前

中弁于大郎索

一點靈光無中顯現太平高步煙霞清風皓月流注玉京砂五
氣三元結秀升騰處雲輅交加蓬瀛會瑞光縹渺盈座散香花
堪誇真妙用仙丹一粒洞煥東華滿太虛寥廓清境無涯認得
元初至性因修煉清淨根芽圓成也玉蟾影裏穩赴大羅家

上京劉朝真索

道藏輯要

雲光集

全

胃集九
八三八

四大容儀三田靈秀鍊成九轉丹砂虛無自在以道作生涯淨
上祥光瑞彩玲瓏貫天外煙霞沖和處烏飛兔走同運紫河車
眞仙開妙趣菩提佛果一理無差指玉清境界此際何餘竝聽
金書紫詔人間事元沒交加當歸去慶霄高會風景向誰誇

贈盧宣武 二首

日裏金雞月中玉兔變通玄象盈虧無形幹運三界現慈悲長
養諸天大地資三教天下歸依眞明了觀天之道清淨更無爲
十方諸道眾迴顧猛悟拂袖雲歸養神胎靈骨鍛滅陰尸定是
回顏易質通玄奧物外精持丹圓滿根源了了皆作度人師
心蒸眞香神排妙供滿空遙送丹方收藏靈寶嘉瑞自呈祥一